

A traditional Chinese ink wash landscape painting. It depicts a misty mountain range with several sharp, jagged peaks. In the foreground, a body of water reflects the surrounding scenery. The overall style is minimalist and atmospheric, with varying shades of gray and black ink on a white background.

慎

終

追

遠

祭祀礼札

祭祖通知单

杨氏宗庙为报本事某月某日冬至祀祖通知各房户人等务宜沐浴齋戒前日下
午各备衣冠赴廟恭候五鼓行礼事关报本各宜敬慎毋忘

民国某年某月某日通知

仪注

祭之前二日值年首士先来将祖龕拂拭栏楣门户桌椅内外厅堂阶坪俱要洁净洒
扫

致祭人名执事表

主祭一	分献三	纠仪一	通唱二	引赞八	司帛四	司爵四
读诫词一	读箴词一	歌诗八	司福胙二	司毛血二	司盥洗一	司酒樽一
司钟鼓二	司磬一	司更点一	司肴饌羹饭四	司炮一	司燎一	

冬至前一日下午监牲仪则

通唱行监牲礼 司事者各执其事 击磬钟鼓齐鸣 放花炮 奏大乐 大乐止起小乐 主祭孙就位与祭孙皆就位 诣盥洗所 引执事者酌水进巾盥洗 盥洗毕 唱诣香案前引跪 皆跪 上香三 执事者举杯酌酒 奠爵灌酒 叩首兴 平身复位 唱拜兴四 执事者引主祭孙诣祖位前跪 皆跪 引献帛 献爵三 俯伏乐止 读告文 读毕 唱起乐 诣宰牲所 引就位 上香三 献帛 献爵三 揖再揖三 揖 化财

牺牲奏大乐盛毛血大乐止起小乐 唱引主祭孙诣祖位前跪皆跪献毛血叩首
兴平身复位 鞠躬拜 兴四奏大乐放花炮化财焚文揖礼毕退位

冬至前夕启祖

通唱行启祖礼 司事者各执其事 击磬钟鼓齐鸣放花炮奏大乐大乐止起
小乐主祭孙就位皆就位引主祭孙诣盥洗所引执事者酌水进巾盥洗盥洗毕
唱诣香案前引跪皆跪上香三执事者举杯酌酒奠爵灌酒叩首兴平身复位
唱拜兴四引主祭孙诣祖位前跪皆跪献帛献爵三俯伏乐止读告文读毕唱
奏大乐执事者启榑大乐止起小乐叩首兴平身复位鞠躬拜兴四奏大乐焚
文放花炮揖礼成退位

冬至正祭仪注

通唱敦行祀典 内外肃静 执事者各执其事行省视礼 引主祭孙诣毛血所引毛血告充唱诣鼓乐所引乐器告备唱诣盥洗所引乐器告洁唱诣酒樽所引酒樽告清省毕唱主祭孙暂立西阶鼓初严鸣金一次放头炮鼓再严鸣金二次放二炮鼓三严鸣金三次放三炮击磬钟鼓齐鸣放花炮奏大乐大乐止起小乐序立执事者引主祭孙就位分献孙与助祭孙皆就位乐止宣诫词宣毕奏大乐瘞毛血大乐止起小乐执事者引主祭孙诣盥洗所盥洗毕引诣香案前行迎神礼跪皆跪上香三执事者举杯酌酒奠酒灌酒燎脂乐止歌迎神之章歌毕起乐叩首兴平身复位鞠躬拜兴四行初献礼进饌奏大乐大乐止起小乐执事者引主祭孙与分献孙诣酒樽所引司樽者举觶酌酒司爵者捧爵司帛者捧帛唱主祭孙诣始远高曾祖考妣位前跪分献孙诣支祖考妣位前跪分献孙诣

左昭右穆考妣位前跪皆跪献帛初献爵献箸献饌释箸献羹乐止司祝者诣读祝所读毕读祝叩首三兴起乐叩首兴平身复位行亚献礼进饌奏大乐大乐止歌亚献进饌之章歌毕起小乐执事者引主祭孙与分祭孙诣酒樽所引司樽者举觶酌酒司爵者捧爵唱主祭孙诣始远高曾祖考妣位前跪分献孙诣左昭右穆考妣位前跪皆跪亚献爵献箸献饌释箸献羹乐止歌亚献之章歌毕起乐叩首兴平身复位行终献礼进饌奏大乐大乐止歌终献进饌之章歌毕起小乐执事者引主祭孙与分祭孙诣酒樽所引司樽者举觶酌酒司爵者捧爵唱主祭孙诣始远高曾祖考妣位前跪分献孙诣支祖考妣位前跪分献孙诣左昭右穆考妣位前跪皆跪终献爵献箸献饌献饭释箸献羹乐止歌终献之章歌毕起叩首兴平身复位行侑食礼执事者引侑食孙诣祖位前跪加爵献箸加餐献羹献饭释箸献茶乐止歌侑食之章歌毕起乐叩首兴平身复位行饮福受胙礼

执事者引主祭孙诣福胙位跪饮福酒反爵受福胙反器乐止读箴词读毕起乐
叩首兴平身复位谢胙鞠躬拜兴二撤饌乐止歌撤饌之章歌毕起小乐行送
神礼乐止歌送神之章歌毕起乐鞠躬拜兴四钟鼓齐鸣奏大乐放花炮捧主
登位焚祝帛望燎一揖再揖三揖礼成退位

监牲文

维 民国 某 年 月 日

嗣孙某等

谨以香楮酒醴之仪致告於

宏农堂上杨氏历代始远高曾祖考妣位前曰

万物本乎天 人本乎祖 今以长至日 届将有事於

先人於戲祀典肇举备物宜先爰命庖丁宰杀牲牷血是取用申告虔

尚 饗

启祖文

维某年 月 日之良嗣孙某等

谨以香楮酒醴之仪致告於

宏农堂上杨氏历代始远高曾祖考妣位前曰

日行北陸春到南枝繡刺五纹璇闺纔添弱线葭

吹六琯緹室渐动飞灰景物既因时而殊本源宜应候以溯维我祖派分江右业创

浏南积德累仁瓜

飏绵三朝之庆敦诗说礼书香焕百代之光既始燕冀之谋合致鸡豚之薦爰先期
戒备至质明始行

竭此徵忱同恪恭而将事告我列祖祈陟降於厥家

谨告

冬至祀祖文

维中华民国年月日嗣孙某等谨以羊一豕一香楮酒醴之仪致祭於

宏农堂上杨氏历代始远高曾祖考妣位前曰念昔先人德音不忘祥开雀室庆

衍鱣堂金畏四

知关西名扬程门立雪道重流芳因思木本派衍豫章枝分南楚继述无疆兹值日

至宫線添长緹室

候气初转一阳敦行祀典莫敢或遑思乐思嗜在上在旁清酒既载先祖是尝粢盛
既洁黍稷稻粱以

妥以侑降福穰穰人文蔚起弈弈书香 尚饗

又

於戲惟我祖源分周室派衍宏农别江右而来浏迂横头而启宇开七八九甲粮册
当年之构造维艰发大二三房子孙尔日之绳承有自瞻寢庭之悚惕触目兴思顾棖
题以彷徨抚怀增感兹者一阳始复六律新调土圭之日影初长緹室之葭灰甫动载
陈黍稷之薦礼隆奉先肃修邊豆之议情殷报本伏冀远而不迁之 祖不祧之宗昭
格於上近而列左之昭列右之穆质临在旁鉴孙子一念之惓忱振宗枌千秋之禋祀
以似以续绵世泽於无疆有幹有年服先畴於靡既诗书大启乎门第户诵家絃簪笏
迭耀乎冠裳前光后裕

尚 饗

诫词

祭祀 祖先务宜敬恭申报本之诚恪尽追远之礼毋起邪念毋生妄嗔毋轻举止
毋苟笑谈毋交头接耳毋侧牟横冠尚或怠忽不惟不降尔福且咎及尔身各宜凛凛
慎毋失议致貽羞于我先人

迎神之章

一旦鬻發躋彼公堂念昔先人怀允不忘小大稽首以往烝嘗神之格思穆穆皇
皇

初献进饌之章

肆筵设席或剥或烹取萧祭脂苾苾芬芬是用孝享于豆于登酌言献之其香始
升

亚献进饌之章

礼仪既备济济跄跄是烝是享祝祭于祊昭兹来许或肆或将孝孙徂位不敢或遑

亚献之章

乐既和奏烝衍烈祖詒阙孙谋以燕翼子子子孙孙绳其祖武于以奠之受天之祜

终献进饌之章

嗟嗟列祖既右饗之为豆孔庶鼐鼎及鼐神嗜饮食孔惠孔时奏假无言悠悠我思

终献之章

清酒既载与其忝稷以享以祀以引以翼子子孙孙曷其有极於万斯年并受其福

侑食之章

躋彼公堂

徹饌之章

昭格烈祖是饗是宜既醉既飽廢徹不迟乐具入奏备言燕私奉先思孝振古如兹

送神之章

为酒为醴烝畀祖妣嗜饮嗜食神具其止鼓钟送神其从为雨降福孔皆自今以始

望燎诗

工祝致告燎之方扬火烈俱举休有烈光跋予望之先祖是皇享祀不忒受福无疆

箴 词

祖宗家训 箴汝子孙 小心翼翼 诰诫谆谆 思汝先人 成家不易

勤力自强 克光门第 男孝父母 女敬翁姑 和邻睦祖 范彼前模 汝其所受

神其眷佑 俾尔子孙 多福多寿 有冥顽出 而乎大闲 内生嫉妒 外肆兇奸

勿供祭祀 违禁越度 戕害宗支 毁伤坟墓 不信报应 不安命运 心像戈矛

貌像恭敬 神不尔贲 天不尔康 若能迁善 转灾为祥